

304. Si nullis distenduntur turundis, raro deteguntur, aer arcetur, fuctu artificiofo, & nixu respirationis debito expellitur aer admissus, frigus caute vitatur, brevi & opime sanantur, si curabilia sunt.

305. Tumque praecaventur omnia illa & saeva symptomata. (301.)

VULNERA ABDOMINIS.

306. **A**bdominis vulnera non penetrantia in cavitatem noscuntur. 1. stylo, & situ. 2. injectu. 3. causa vulnerante cognita, & natura vulneris.

307. Si profunde fere usque ad peritoneum penetraverint, debilitatis ibi tegumentis, herniae occasionem praebent in corpore robusto; Pejus nihil, quam, si oblique decurrentia inter integumenta abdominis fistulosa vulnera effecerint.

308. Quare sutura, ligaturaque his prospiciendum: in caeteris curatio communis vulnerum sufficit.

309. At eadem in cavitatem Abdominis ire liquet. 1. Stylo, & situ. 2. Injectu. 3. Causa vulnerante cognita, & natura vulneris. 4. egressu contentorum.

310. Si tum omnia Symptomata levia, dolor, febris, inflammatio absunt, posito in vulnus aegro cruor non exit, injectus liquor

liquor immutatus redit, interiora illaesa scimus.

311. Ilico arcendus aer, ingressus factu & expirationis nixu excludendus; gastrographia consuenda integumenta, turundae auferendae; balsami illitu, decubitu in vulnus, quiete corporis, victu leni, humido, parco, rara deligatione percurabitur.

312. Si acutus dolor, febris, inflammationis signa, cruor, ichor, potus, cibus, chylus; bilis, pus, urina, stercus, foetor, ex vulnere exeuntia, causa vulnerans, situs & natura vulneris, pallor, sudor frigidus, inquietudo, animi deliquia, pulsus defectus praesentia considerantur, docebunt, laesa vasa vel viscera abdominalia, & quae.

313. Tum infinita mala sequuntur, partim 1. a natura viscerum, tenui vasculosa, non musculosa, difficillimae circulationis, nec nisi clauso abdomine absolvendae. 2. a functione laesa visceris. 3. ab effusi cruoris copia, corruptione. 4. ab aeris ingressu, rarefacti, prementis, actione.

314. Unde lethalia saepe sunt. At intestina laesa, & pertractationi oblata, consuenda si magnis; sibi relinquenda, si parvis vulneribus laesa sunt, & reliqua peragenda, ut (311.) dictum est.

315. Si per latum vulnus illaesum inte-

E s

stinum

stinum exit, foveatur animalibus vivis dissectis applicatis, vel fomento idoneo; reponatur; fiant reliqua, ut (311.)

316. Si per parvum exeuns foramen, tumens flatu, inflammatu, foece, reduci non possit; fotu, punctu, dilatatu vulneris, reponitur.

317. Si vulnere, suppuratione, gangraena, fistulae intestinalis pars ablata est, pars superior se offerens, vel prudenter adducta, affluenda foramini vulneris.

318. Si omentum exierit, & humidum calidum, rutilo sanguine rubescens adhuc est, reponendum, ut (316.)

319. Si siccum, frigidum, lividum, ligatura, sectione, fotu, curatum reponendum est.

320. Missio sanguinis largior, clysmata in initio injecta si crassa illaesa, diaeta, blanda respiratio, quies, situs, palmaria hic remedia.

CONTUSA.

321. **S**i durum, obtusum, corpus motu, resistentia, moriu vel pressu, multa vascula simul confregit, laesio haec Contusio vocatur.

322. Cujus idea, accumulatio vulnerum cum attritu solidorum, & vasculorum,

323.